



104

ԳԵՐԱՇՆՈՐՀ Տ. ՀՈՒՍԻԿ ԵՊԻՍԿՈՊՈՍ ՍԱՆԹՈՒՐՅԱՆ



Գերաշնորհ Տ. Հուսիկ եպիսկոպոս Սանթուրյանը, ավագանի անունով Ազատ, ծնվել է 1920 թվականին Սեբաստիա քաղաքում (Թուրքիա), հայ գյուղացու ընտանիքում:

Հինգ տարեկան հասակից որբացել է և մինչև իր պատանեկության տարիները մնա-

ցել է դանիացի օրիորդ Յոգոբսոնի «Թռչնոց բույն» որբանոցում, Զիրեյլում (Լիբանան):

1935 թվականին ավարտել է Զիրեյլի դանիական որբանոցի ուսումնական շրջանը և ույն թվականին տեղափոխվել Երուսաղեմի քերմանական որբանոցի արհեստա-ուսումնական կուրսը, որի ընթացքն ավարտել է 1938 թվականին:

1939—1945 թվականներին աշխատել է Երուսաղեմում որպես ուսուցիչ և գրասենյակային ծառայող:

1947 թվականին ներգաղթել է Մայր Հայրենիք և մինչև 1953 թվականն աշխատել է մի շարք հիմնարկներում, իր մասնագիտության գծով:

1953 թվականին ընդունվել է Հոգևոր Ճեմարան, որի դասընթացն ավարտել է 1955 թվականին և ձեռնադրվել սարկավագ, իր կյանքն ընդմիշտ կապելով Մայր Աթոռի հոգևոր ծառայության հետ:

1956 թվականի փետրվարին կուսակրոն բահանա է ձեռնադրվել և նշանակվել Մայր Աթոռի եկեղեցական արվեստի պահարանի վերակացու, պաշտոն, որը վարել է մինչև 1961 թվականը, երբ նշանակվել է Բաքվի թեմի առաջնորդ:

1959 թվականի հոկտեմբերին ստացել է մասնավոր վարդապետական գավազանի իշխանություն:

1962 թվականի հոկտեմբերի 14-ին ձեռնադրվել է եպիսկոպոս, Ամենայն Հայոց Վեհափառ Հայրապետի ձեռամբ:

Գերաշնորհ Տ. Հուսիկ եպիսկոպոսը հավատավոր, կարգապահ, համեստ և նվիրված հոգևորական է, որը յուրովսանն ծառայում է Մայր Աթոռին և Հայաստանյայց եկեղեցուն: